

**BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO**

**Stručna služba za zajedničke poslove**

Broj: 17-14-27543-10/17

Sarajevo; 04-10-2017 godine

Na osnovu člana 64. stav (1) tačka b) i člana 70. stav (1) (3) i (6) Zakona o javnim nabavkama („Službeni glasnik BiH“ broj: 39/14), u skladu sa članom 3. Uredbe o osnivanju Stručne službe za zajedničke poslove Kantona Sarajevo („Sl. novine Kantona Sarajevo“ br. 5/06 – Prečišćeni tekst) na preporuku Komisije za nabavku roba u postupku javne nabavke i isporuke aparata za gašenje početnog požara - (Zapisnik o pregledu i ocjeni ponuda broj: 17-14-27543-9/17 od 02.10.2017. godine), načelnik Stručne službe za zajedničke poslove Kantona Sarajevo, d o n o s i:

**ODLUKU  
o izboru najpovoljnijeg ponuđača**

**Član 1.**

Prihvata se Preporuka Komisije za nabavku roba u postupku javne nabavke i isporuke aparata za gašenje početnog požara i dodjeljuje se prvorangiranom ponuđaču **„PROVING INŽINJERING“ d.o.o. Sarajevo**, prema dostavljenoj ponudi broj: 3151/17 od 27.9.2017. godine u ukupnoj vrijednosti od **3.012,75 KM (sa PDV-om)**.

**Član 2.**

Prijedlog ugovora dostavit će se na potpis izabranom ponuđaču po isteku roka od 10 (deset) dana, računajući od dana kada su svi ponuđači obaviješteni o izboru najpovoljnije ponude.

Izabrani ponuđač je dužan dostaviti dokaze o kvalificiranosti, odnosno originalne dokaze ili ovjerene kopije u vezi člana 47. stav (1) tačka c) – Bilans stanja i bilans uspjeha za 2016. godinu, jer je u ponudi dostavio obične kopije, u roku od 5 (pet) dana nakon što svi učesnici u postupku budu obaviješteni od strane Ugovornog organa o rezultatima postupka nabavke, a u skladu sa protekom žalbenog roka i u skladu sa odredbama tenderske dokumentacije.

U slučaju da izabrani ponuđač propusti da dostavi originalne dokaze ili ovjerene kopije u navedenom roku ili dostavi neprihvatljive dokaze, ova odluka će se poništiti.

**Član 3.**

Ova odluka objavit će se na web stranici ugovornog organa, [www:http://www:sszp.ks.gov.ba](http://www:sszp.ks.gov.ba), istovremeno sa upućivanjem iste ponuđačima koji su učestvovali u postupku javne nabavke.

**Obrazloženje**

Postupak javne nabavke pokrenut je Odlukom o pokretanju postupka javne nabavke broj: 17-14-27543 od 13.9.2017. godine – Nabavka i isporuka aparata za gašenje početnog požara. Javna nabavka je provedena putem postupka: Konkurentski zahtjev za dostavu ponuda. Procijenjena vrijednost javne nabavke bez PDV-a 4.500,00 KM. Za predmetnu nabavku objavljeno je obavještenje o nabavci na portalu javnih nabavki pod brojem 1230-7-1-61-3-55/17 od 18.9.2017.godine u 15:29 h.

Na osnovu člana 88. Zakona o javnim nabavkama BiH ("Službeni glasnik BiH", broj 39/14), a u skladu sa dodatnom objavom obavještenja na portalu javnih nabavki, Ugovorni organ dostavio je pozive sljedećim ponuđačima : 1. "GRANULO-RE" d.o.o. Sarajevo; 1. "PROVING" d.o.o. Sarajevo; 3. "VATROSISTEMI" d.o.o. Sarajevo. Rok za dostavu ponuda bio je 29.9.2017. godine do 13,00 h. Za navedenu javnu nabavku u predviđenom roku i uredno zatvorenim kovertama, dostavljene su ponude od sljedećih ponuđača:

R.br	PONUĐAČ
1.	"MONSUN" d.o.o. Lukavac, ul. Modrac br. 32 75 300 Lukavac
2.	"PROVING INŽINJERING" d.o.o. Sarajevo, ul. Safeta Zajke br. 115C 71 000 Sarajevo
3.	"PASTOR M" d.o.o. Mostar, ul. Put za Aluminiij bb 88 000 Mostar
4.	"GRANULO-RE" d.o.o. Sarajevo, ul. Bojnička br. 47 71 210 Ilidža

U skladu sa Odlukom o pokretanju postupka, Komisija za nabavku roba formirana Odlukom broj: 17-05-30813 od 19.10.2016. godine i broj: 17-14-05-10502 od 09.03.2017. godine, provela je proceduru nabavke, obavila javno otvaranje ponuda, sačinila i dostavila Zapisnik o pregledu i ocjeni ponuda koje su blagovremeno, do utvrđenog dana i sata, dostavljene od strane ponuđača na adresu Ugovornog organa, a kako je traženo u Konkurentskom zahtjevu. Zapisnik o pregledu i ocjeni ponuda broj: 17-14-27543-9/17 od 02.10.2017. godine čini sastavni dio ove odluke i u istom je utvrđeno sljedeće:

- da je ukupan broj pristiglih ponuda četiri (4),
- da je blagovremeno zaprimljeno ukupno četiri (4) ponude,
- da nema neblagovremeno zaprimljenih ponuda,
- da su ponude ponuđača "MONSUN" d.o.o. Lukavac, "PROVING INŽINJERING" d.o.o. Sarajevo, "PASTOR M" d.o.o. Mostar, "GRANULO-RE" d.o.o. Sarajevo formalno-pravno ispravne, odnosno ispunjavaju formalno-pravne uslove za učešće u kvalifikacijama, kao i tehničke karakteristike i druge uslove propisane od strane ugovornog organa.

Uzimajući u obzir da je komisija u cijelosti pravilno postupila i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskoj dokumentaciji, u cijelosti se prihvata Zapisnik o pregledu i ocjeni ponuda.

Tabelarni pregled prispjelih ponuda – rang lista prihvatljivih ponuđača za postupak javne nabavke i isporuke aparata za gašenje početnog požara kako slijedi:

1. "PROVING INŽINJERING" d.o.o. Sarajevo	100,00 bodova
2. "MONSUN" d.o.o. Lukavac	96,26 bodova
3. "GRANULO-RE" d.o.o. Sarajevo	90,75 bodova
4. "PASTOR M" d.o.o. Mostar	75,74 boda


U skladu sa kriterijem "najniža cijena" (cijena 100%), ugovor se dodjeljuje prvorangiranom ponuđaču „PROVING INŽINJERING” d.o.o. Sarajevo, u ukupnoj vrijednosti nabavke od 2.575,000 KM (bez PDV-a) i 3.012,75 KM (sa PDV-om). Za predmetnu nabavku će se zaključiti ugovor.

**Pouka o pravnom lijeku:** Svaki ponuđač koji ima legitimni interes u predmetnom postupku javne nabavke, a koji smatra da je ugovorni organ u toku postupka prekršio jednu ili više odredaba Zakona o javnim nabavkama ima pravo priložiti žalbu u pisanoj formi u roku od **5 (pet) dana** od dana prijema ove odluke u skladu sa članom 99. i 101. Zakona o javnim nabavkama ("Službeni glasnik Bosne i Hercegovine", broj 39/14).

Žalba se podnosi Ugovornom organu (Stručnoj službi za zajedničke poslove Kantona Sarajevo) neposredno ili preporučeno putem pošte na adresu: Reisa Džemaludina Čauševića br. 1, kao prvostepenom organu u žalbenom postupku.

Ponuđač, u slučaju da ulaže pismenu žalbu, dužan je za pokretanje žalbenog postupka platiti naknadu u iznosu 500,00 KM, u skladu sa članom 108. stav 1. tačka a) Zakona o javnim nabavkama.

Naknada se uplaćuje u korist budžeta institucija BiH i međunarodnih obaveza BiH i ona je nepovratna u slučaju neosnovane žalbe.



**NAČELNIK**  
**Fikret Jašarević**

Pripremila: Samira Duraković, dipl.iur.  
Kontrolisao: Sedin Kozadra, dipl.ecc.

Prilog:

1. - Zapisnik o pregledu i ocjeni ponuda broj: 17-14-27543-9/17  
od 02.10.2017. godine

**Dostaviti:**

1. Svim učesnicima u postupku
2. a/a.